

Auf, fahrt elektrisch!

Omm Sunndaach omm Stommdisch hadde merrs von de Audos unn wie dess emol werrn soll mettem Fahrn in de nächst Zeit, mett Benzin odder Diesel odder elektrisch. Weil doch jetz uffem Parkplatz vor de Stadthall e Stromtonkstell uffgestellt worrn iss, onn der merr soi Elektroauto ufflade kann, schneller wie dehoom onnere Lichtsteckdos. Waaß ooner von eich, wie dess vor sich gieht?, hott de Schorsch gefroocht.

Ja, gibt de Karl ze Antwort, ich habb merrs emol oogeguckt unn aach gelese, wie dess funktioniert.

Ich frooch: Ei wie dann, Karl?

Also, sät de Karl, de erst emol brauchstde e Händy, doo mussde die Nummer oorufe, die merr dort lese kann, unn dann gieht onn de Säul e Klapp uff unn du steckst dort de Stecker von doim Ladekabel enoi. Wennde genuch Strom getonkt host, riefsde widder die Nummer oo, dann ziehstde doi Kabel eraus unn fährst elektrisch fort. Iwwers Händy waaß die Mainova donn, wer getonkt hott unn wem se die Rechnung schicke odder bei wem se die abbuche kenne.

Also, saach ich, e Tonkstell hawwe merr, jetz brauche merr nor noch Elektro-Audos. Oons hawwe merr joo schunn im Flecke, die von de Stadt fahrn oons mett dem scheene Nome „Miev“, obwohl dess Auto joo koon Mief mächt.

De Schorsch hadd schunn long mettem Kopp gewackelt, irschendwie warer mett der Tonkstell unn so nitt oiverstone. Er hott joo aach long genuch beim Opel geschafft, kriecht e schee Betriebsrente unn so isser immer noch droo intressiert, was driwwe in Risselsem gemacht werdd.

Unn desdeweche hotter gesaat: Dess mettem Strom aus de Steckdos, ich waaß nitt. Weil bald kimmt e Auto vom Opel, dess heeßt Ampera unn dess fährt aach elektrisch, awwer e bissi onnersder.

Ja, moont de Karl, was mir onn dem Ampera gefällt dess iss halt, dassde nitt nooch e paar Kilometer widder onn die Steckdos musst um noochzelaide. Naa, wenn de Saft von de Batterie ausgieht fängt enn Benzinmotor oo ze laafe unn der dut die Batterie widder ufflade. Dess Auto dut enn Haufe Geld kosde, iwwer verzhischtausend Euro, awwer ess dete schunn siwwedausend Bestellungen vorleie, dess iss doch was, odder?

Ich saach: Ich kann merr vorstelle, dass dess Auto e Zeit später aach mett Gas fahrn kann, unn dess kennt dann aach so e Gas soi, was merr mett Strom aus Windmiehle odder mett Solar erzeusche kann, also dass merr dann uff Benzin aus Öl aus de Wüste odder uff Gas aus Russland verzhischde kann. Unn dess Gas kann merr hier bei uns mache, aus Wasserstoff unn emm onnern Gas wasses vill gibt unn merr konns mache, wenn de Wind wehe dut unn wenn die Sunn scheint. Dann brauch merr nitt mehr so Riesekraftwerke ferr Braunkohle ze baue, die enn Haufe Dreck in die Luft bloose, nor weil die Leit jetz mett Strom statt mett Benzin im Auto erum fahrn.

Siehsde, sät de Schorsch, dess iss dess scheene omm Ampera, de Strom werdd dort gemacht wo de Strom gebraucht werdd.

Dess iss die Zukunft unn nitt die Stromtonkstelle, moont de Karl, awwer ess muss halt mett irschendwas oogefonge werrn, unn deshalb isses gut, dass iwwer so e Stromtonkstell dess Thema „Auf, fahrt elektrisch!“ unner die Leit unn onn unsern Stommdisch kimmt.

Eiern Honnes